



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Quotidiana Christiani Militis Tessera**

**Stanyhurst, Guillaume**

**Coloniæ Agrippinæ, 1710**

3. Dies Novemb. Sunt quædam quæ nescire quàm scire sit utilius.

**urn:nbn:de:hbz:466:1-45477**

Novemb.  
verfam, &  
habent; ut  
relligant,  
& colli-  
li, sed &  
r, in sub-  
imo, mi-  
atrio, ja-  
si exclu-  
o marce-  
ca non di-  
ri? quid  
Justitiam  
ania esse  
ria & do-  
sque vo-  
ara Em-  
fruitio  
& ignea  
mabiles  
t, quan-  
ne libe-  
olum il-  
ignem  
st ipsius  
st fortis  
m con-  
ania so-  
impe-  
m vo-  
ue illæ  
mife-

Novemb.

Tessera.

875

miserabiles animæ, è suo illo fumoso vaporario, è suo igneo æstuario, ut inde extrahantur, manum attollunt: tibi arbitrium est illas inde manu mittere: hoc posse & nolle quæ inhumanitas! imò quanta crudelitas? ò igitur si quid apud te valet pietas, quæ parentibus debita est; si quid observantia, quæ majoribus; si quid justitia quæ fœderatis; si quid promissio, quæ testatoribus; si quid gratus animus; qui beneficiis: si quid amicitia, quæ benevolis, miseremini purgantium animarum: consequeris & tu miser misericordiam si fueris misericors, tu pro illis hic plorando imminues illorum planctus, quapropter:

*Hic pro animis plora, cito cernant, ut patris ora.*

### 3. DIES NOVEMB.

Sunt quædam quæ nescire quàm scire sit utilius. S.

*August. Enchir. ad Laur. c. 17.*

Scientia San- I. **U** Num est quod Deo impensè  
ctorum, qua- displicet, quot ut illi infer-  
lia doceat. vias seridò, incipias tam se-  
ro. Quamdiu lubet deliberare; an velis te è ser-  
vitude dæmonis liberare? quousque cogitas, an  
velis facere quod expedit magis tandem conclu-  
dere, aut libet proponere, quod necessum omni-  
nò est jam nunc aliquando expedire? terminanda  
consilia, instat hora, ingredienda via, maturanda  
proposita, ne nox subitò prævertat, importuna  
mors evertat, nec metuentes immatura. Ut quod  
diu fuerat faciendum, tandem facias, excitabit te  
Dei Gloria cui sectandæ conditus es, imperabit ti-  
bi Dei voluntas cui obtemperandæ obligatus es;  
invi-

invitabit te Dei beneficentia cui vitam universam debes ; suadebit facilitas , quàm parit gratiæ subsidium ; alliciet utilitas, quàm tota pollicetur æternitas ; impetrabit à te felicitas, ad quam votis omnibus anhelas ; denique coget ipsa necessitas, quia ni tandem nos totos Deo tradamus , etiam in hac vita nil expectandum nisi extrema calamitas. Quotum enim nocuit nobis obtemperasse indomitis nostris affectibus ? in quantas nos illi præcipitarunt æumnas ? quanta adduxit tœdia quàm molestas sollicitudines ? quàm gravem animi perturbationem ?

II. Itaque utilius nihil magisque necessarium , quàm excutere tandem gladium è manibus nostris , quo nos ipsi jugulamur , quàm ut venenum effundamus , quo nosmetipsos inficimus , quàm ut sepeliamus omnium malorum incommodorumque instrumenta. Opportunè prorsus ad rem qua de agimus , Abbas Abraham , rogatus ab Abbate Pimenio quemadmodum nos dæmones impugnant ? respondit : *dæmones nobiscum non pugnant quia voluntates eorum facimus : sed nostra nobis voluntates dæmones facti sunt & tribulant nos* : voluntas propria, pessimus est dæmon qui nos oppugnat , acutissimus gladius guttur nobis præcidens venenum est , cum primus noxium , cor ipsum penetrans , mors est fallacissima nos interimens. Itaque si sapias, ut agas agenda , hoc est, rectè & prudenter , non audies propriæ voluntatis imperium, perniciosum est : non sectaberis naturæ genium , pravus est : non consules mundi indolem , maligna est ; non credes diaboli suggestioni, mendax est : sed ne sine fine pereas , in omnibus finem respice, divinum imperium suscipe, Christi ex-  
empla

empla inspice ; non differes dum opportunum est , non negliges dum inchoatum est, non listes quoad expeditum est , ut quid te facere non modò deceat, sed oporteat, scias , opus est illa Sanctorum scientia, quæ est necessaria singulis, apta omnibus, salutaris universis. Sine illa scientia Sanctorum , numquam intrabit in sancta Sanctorum : alia omnia satius est ignorare quàm scire, utilissima est scientia, cujus beneficio potes pollere sanctorum.

III. Docet illa , si vita stadium est, sic currere, ut comprehendas : si schola est, sic discere, ut sapias ; si militia est, sic certare ut vincas ; si mercatus est, sic negotiari, ut questum facias : si theatrum est, sic personam agere ut plausum referas ; si peregrinatio est, sic ambulare ut metam attingas ; si exilium est, sic illud sustinere, ut patiam obtimeas : si sementis est, sic serere in terris, ut metas in coelis : si diversorium est, sic versari ut hospitem te cogites ; si vinea est, sic operari ut mercedem reportes. Ecce quàm docet multa scientia hæc una, vis verbo omnia ? scientia Sanctorum, virtus est, eò usque pater quò usque vita porrigitur : cujus omne negotium, est virtutis exercitium, quidquid aut intellectu concipis , aut memoria tenes, aut voluntate appetis , aut concupiscentia desideras, aut sensu percipis, aut ore loqueris, aut manu peragis, ne inter omnia quæ agis, actum agas, atque ita in fine doleas te nihil egisse , dum animam ages, sit tibi unica omnium agendorum norma , Dei voluntas. Praxis illius initium, est primum rationis diluculum : quo si non auspicas, vitæ primitiis frustra ris. Progressus est universus ætatis cursus, qui si alio dirigitur : vita usura prodigitur : terminus est supremus

mus vitæ exitus, qui si praxi illa non concluditur; spes vitæ illuditur, votum salutis fallitur, hæc scire non tantum est salutare, sed pro salute necessarium, denique hæc omnia:

*Qui scit laudatur, qui nescit vituperatur.*

#### 4. DIES NOVEMB.

Sic nos agere debemus, ut non tanquam propter corpus vivere debeamus, sed tanquam non possimus sine corpore. *Seneca epist. 15.*

Mortificatio.

I. **P**rima scientiæ Sanctorum rudimenta, fateor sunt corpori perquam rudia, sed spiritui utilia; prima enim in ejus schola lectio, est carnis mortificatio, non terrearis verbi asperitate, frange corticem qui amarus, ut gustes nucleum, qui suavis est, ne attendas verbum, sed expende verbi sensum. Hæc quam times carnis mortificatio, est quàm optas cordis vivificatio: sic moriendo fugis mortem, acquiris vitam: quid? an ergò tyrannus est Deus qui nostris se oblectet doloribus, qui sibi placeat in nostris cruciatibus: qui pascatur nostrâ inediâ, qui reficiatur nostrâ siti, qui diletur nostra egestate, qui exultet nostris gemitibus, cui dulce sit famulos, jucundum filios suos dilectos & sic dilectos toto corpore, ciliciorum asperitate vestitos, flagrorum diritate laceros, sanguine nostro cruentos, omni denique solatio destitutos, mœrore oppressos intueri? quasi non posset nos, nisi sic afflictos tueri, profectò, necesse est mortificatio sit bonum incomparabile, & illius boni emolumentum sit inæstimabile, cum ille bonus, & misericors Deus,

cum